

Palasit suliassaannik ilinniartitaaneq pillugu Namminersornerullutik Oqartussat nalunaarutaat

Palasissaaleqinerup aaqqiivigineqarnissaa pillugu Inatsisartut peqqussutaanni nr. 2-mi 6. juni 1997-imeersumi § 1 aamma § 2 tunngavigalugit makku aalajangersarneqarput:

Kapitali 1

Ilinniartitaanerup siunertaa

§ 1. Palasit suliassaannik ilinniartitsinikkut matumuuna siunertarineqarpoq palasinik palasitut sulinissamut soraarummeersimasunik palasissaaleqinermik matusisinnaasunik ilinniartitsinissaq.

Imm. 2. Kalaallini ilagiinni palasitut atorfiit piviusorsioertumik akisussaassuseqartumillu ingerlanneqarnissaat siunertaralugu ilinniartitaanikkut tassuuna pikkorissarnermi ilinniartut makkuninnga ilikkagaqassapput:

- 1) kristumiut biibiliannik upperisaannillu atuagarsornikkut sulinikkullu sukumiisumik sungiusartinneqarnek
- 2) kalaallit ilagiit naalagiartarnerat oqaluffimmilu ileqqulersuutit paasisaqarfigissallugit
- 3) kristumiut oqariatuutaannik kiffartuutaannillu siammarterinissamut pisinnaasaqarnek, nammineersinnaassuseqarnek paasisimasaqarnerlu, matumani inuit ataasiakkaat, ilagiit inuiaqatigiillu tarnikkut sullinneqarnerat ilanngullugu eqqarsaatigalugu, aamma
- 4) periaatsinik palasip atorfanut tunngasunik paasisimasaqarnek aamma inuusunik, kuisittunik, katittunik, toqusunik il.il. allattaavilerinermikpaasisimasaqarluarnek, tamatumunnga ilanngullugu inuusunik, kuisittunik, katittunik, toqusunik il.il. uppernarsaatinik allattuineq.

Kapitali 2

Ilinniartitaanerup aqunneqarnera

§ 2. Kultureqarnermut, ilinniartitaanermut ilageeqarnermullu Pisortaqarfik aqutsisoqatigiinnik pilersitsissaaq, tallimanik ilaasortalimmik, ukunannga toqqarneqartussanik:

- 1) Kultureqarnermut, ilinniartitaanermut ilageeqarnermullu Pisortaqarfik
- 2) Kalaallit Nunaata Biskoppeqarfiani Biskoppi
- 3) Palasit Peqatigiiffiat
- 4) Ilinniartissuaq
- 5) Ilisimatusarfimmi upperisarsiornermik ilinniartarfik

Imm. 2. Aqutsisoqatigiit suliassaqarfip iluani immikkut ilisimasalinnik ataatsimeeqataasussanik aggersaasarsinnaapput.

Imm. 3. Ilaasortat ilaat Kultureqarnermut, ilinniartitaanermut ilageeqarnermullu Pisortaqarfimmit

toqqagaasoq aqutsisoqatigiinni siulittaasuussaaq. Aqutsisoqatigiit suleriaasissartik nammineq aalajangersassavaat, matumani avataanit ilaatinneqartut taaseqataasinnaatitaanerat pillugu aalajangersakkat ilanngullugit eqqarsaatigalugit. Suleriaasissaq Kultureqarnermut, Ilinniartitaanermut Ilageeqarnermullu Pisorta qarfimmitt akuerineqassaaq.

Imm. 4. Aqutsisoqatigiit ataatsimiinnerinut atatillugu aqutsisoqatigiinnut ilaasortat immikkullu ilisimasalittut ataatsimeeqataasartut aningaasarsiaqartinneqarsinnaapput Inatsisartunut, Naalakkersuisunut il.il. ilaasortat aningaasarsiaqartitaanerat il.il. kiisalu Landsrådimut, Inatsisartunut, Naalakkersuisunut il.il. ilaasortaasimasut soraarnerussutisiaqartinneqarnerat pillugu Inatsisartut inatsisaanni nr. 11-mi, ulloq 28. oktober 1993-imeersumi § 12, imm. 2 malillugu. Taamatuttaaq § 20, imm. 2 akiliunneqarluni angalasoqarsinnaavoq kiisalu angalanermi unnuinermilu aningaasartuutaanerusunut matussusiisoqarsinnaalluni Kalaallit Nunaanni tjenestemandinut malittarisassat qaqugukkulluunniit atuuttut malillugit.

§ 3. Palasit suliassaannik ilinniartitsineq aqutsisoqatigiinnit ingerlanneqassaaq aqutseqatigiit siulittaasuat ilinniartitsinermi ulluinnarni aqutsisoralugu.

Imm. 2. Ilinniartitaanerup aqunneqarnera Ilinniartissuup, aqutsisoqatigiinnut aamma allattoqarfiusup, isumagisaraa.

§ 4. Ilinniartitaanermi pisortaq Kultureqarnermut, Ilinniartitaanermut Ilageeqarnermullu Pisorta qarfimmitt atorfinitsinneqassaaq.

Imm. 2. Ilinniartitsisut (faglærererit) Kultureqarnermut, Ilinniartitaanermut Ilageeqarnermullu Pisorta qarfimmitt atorfmitsinneqassapput, aqutsisoqatigiit inassuteqaateqarnerisigut.

§ 5. Aqutsisoqatigiit suliatigut perorsaanikkullu ilinniartitsisunut ilitsersuisuussapput, atuartitsinermilu atorussat aamma suliatigut ingerlatat akuerisassallugit.

§ 6. Aqutsisoqatigiit siulittaasuata taamatullu aamma aqutsisoqatigiit aalajangigaat Kultureqarnermut, Ilinniartitaanermut Ilageeqarnermullu Pisorta qarfimmitt naammagittaalliutigineqarsinnaapput, taamaattoarli takuuk § 8, imm. 4.

Kapitali 3

Ilinniartussarsiorneq

§ 7. Inuit ilagiinnut nalinginnaasunut ilaasortaasut kiisalu kalaallisut allallutillu oqalussinnaasut taamatullu qallunaatut atuarsinnaasut palasit suliassaannik ilinniartitaanermut ilinniartunngorsinnaapput

1) Namminersornerullutik Oqartussat nalunaarutaat nr. 15, 26. april 1985-imeersoq naapertorlugu Kalaallit Nunaanni ajoqissatut ilinniartitaaneq naammassisimagunikku, sivikinnerpaamillu ajoqitut ukiuni tallimani sulereersimagunik,

2) Ilinniartissuarmitt soraarummeersimagunik imaluunniit tassunga sanilliunneqarsinnaasumik allamik ilinniagaqarsimagunik, sivikinnerpaamillu ukiuni tallimani ilinniartitsisooreersimagunik, imaluunniit

3) perorsaanikkut isumaginninnikkullu inunnullu tunngasunik Namminersornerullutik Oqartussat inatsisitigut tunngavissaqartitaannik ilinniagaqarsimagunik, sivikinnerpaamillu ukiuni tallimani taamatut sulisimanerminnik uppersaasinnaagunik.

Imm. 2. Ilinniartunngorniarlutik qinnuteqaateqartut misilitsinnermi oqaatsit suut atorlugit ingerlanneqartassanersut kissaatigineritsik qinnuteqaatiminni ilanngullugu oqaatigissavaat.

§ 8. Aqutsisoqatigiit kikkut ilinniartussatut tiguneqassanersut aalajangertassavaat.

Imm. 2. Taamatut aalajangiinermi qinnuteqaateqartup qassinik ukioqarnera, inuussutissarsiutitigut

misilittagai, perorsimassusia ileqqorissuuneralu pingaartillugit isiginiarneqartassapput. Tamakkua saniatigut inuit ilinniartitaanermut tiguneqarnissamik qinnuteqaateqartut qinnuteqaateqarnerminnut atatillugu upperisarsiornermut tunngassuteqartunik allattariarsorlutik misilitsissapput. Misilitsinnermi suliarisaq taanna tiguneqarnissamik aalajangernermi aammattaaq pingaartillugu isiginiarneqassaaq.

Imm. 3. Aqutsisoqatigiit qallunaatut atuarsinnaanermik piumasaqaatip atortinneqannginnissaa pillugu immikkut akuersissuteqarsinnaapput.

Imm. 4. Pikkorissarnikkut ilinniartitaanermut tiguneqarneq pillugu aalajangiinerit aqutsisoqarnikkut oqartussamut allamut naammagittaalliutigineqarsinnaanngilaq.

Kapitali 4

Ilinniartitaanerup imaa ilusaalu.

§ 9. Palasit suliassaannik ilinniartitaaneq pikkorissartitsinikkut ilinniartitaanervuq tallimariarluni qitiusumik sap. akunnerini sisamakkuutaartuni pikkorissartitsiviusoq, kiisalu najugarisami pikkorissarnertaqarluni ungasissumit ilinniartitsisulerluni qaammatini 30-ni allattariarsornermik ingerlatsinertalik.

Imm. 2. Aqutsisoqatigiit ilinniartup qinnuteqarnera tunngavigalugu ilinniarneq sivitsorsinnaavaa ukiumik ataatsimik.

Imm. 3. Qitiusumik pikkorissarfimmi pikkorissarnermi pinngitsoorani atuariartornissaq pisussaaffmvoq.

§ 10. Palasit suliassaannik ilinniartitaanermi ilinniartitsissutitut makku pinngitsooratik ilaatinneqassapput:

A) Upperisarsiornermut tunngasut:

Testamentitoqqamik atuarneq aamma isumasiuineq.

Testamentitaamik atuarneq aamma isumasiuineq.

Ilageeqarnerup oqaluttuarisaanera (piffissani pingasuni)

Dogmatik aamma symbolik

Etik

Upperisarsiorneq (liturgik, homiletik, hymnologi, kateketik, tarnimik isumaginninneq, kalaallini ilagiinnut tunngasunik ilisimasaqarneq, atuagarsuarnik allattuineq)

B) Perorsaanermut tunngasortai: Perorsaaq

Psykologi

Metodik

C) Atuakkanut tunngasortaa:

Kalaallit kristumiunngunngikkallaramik inuunermik inunnillu isiginneriaasiat Kalaallit Nunaanni inuiaqatigiinnik ilisimatusarneq inuiaqatigiillu oqaluttuassartaat

§ 11. Aqutsisoqatigiit atuartsissutit imminnut ataqatigiinnerat eqqaamallugu ilinniarnermut malitassiussapput. Ilinniarnermi malitassiaq aqutsisoqatigiit ilinniarnermi malitassap malinneqannginnissaa pillugu immikkut akuersissuteqarnermi inatsisitigut tunngavissamik imaqsinnaavoq. Ilinniarnermi malitassiaq Kultureqarnermut, Ilinniartitaanernut Ilageeqarnermullu Pisortaqarfimmit akuerineqartassaaq.

Imm. 2. Ilinniarnermi malitassiaq aalajangersakkanik makkuninnga imaqassaaq:

1) atuartsissutit ataasiakkaat,

2) misilitsinnerit, takuuk § 14,

3) ilinniartut atuartsissutini ataasiakkaani pimoorullugu peqataasimanerannut uppersaasatit allat

misilitsinnermi uppersarsineqanngitsut

- 4) atuartsissutini soraarummeerutaasussani atuartsissutit imarisamikkut annertussusissaat,
- 5) ilinniarnermi fagini sammisassat qaffasissutsimikkut nallersimasassaat,
- 6) soraarummeerneq naliliinerillu pillugit naammagittaalliornissamut periarfissat, aamma
- 7) soraarummeernermi apersorneqarnani suliasat kiisalu qitiusumik pikkorissarfimmi pikkorissartilluni nappaammik uppersarsarneqarsinnaasumik allanilluunniit pissuteqarluni atuartsimannngikkaanni arlaleriarluni pikkorissartarnissat.

§ 12. Aqutsisoqatigiit qitiusumik pikkorissartitsereernerit tamaasa ilinniartut atuakkamikkut, naleqqutissutsimikkut suliniuteqarnikkullu piukkunnassuseqarneri ataasiakkaarlutik naliliiffigisassavaat ilinniartsisut inassuteqarnerat malillugu.

Imm. 2. Ilinniartuq ilinniartitaanermi ilinniartuinnarnissaminut piukkunnassuseqanngitsut nalilerneqarpat, tak. imm. 1, soraarsitsinissaq pillugu aqutsisoqatigiit aalajangiissapput, aalajangerneq taanna allakkatigut ilinniartumut nalunaarutigineqassaaq.

§ 13. Ilinniartup soraarsinneqarnissaanut aalajangiinissaq aqutsisoqatigiit siulittaasuannit aalajangerneqassaaq.

Kapitali 5

Ilinniartitaanermi misilitsinnerit

§ 14. Ilinniarnermi malitassiap misilitsinnerit pillugit aalajangersagartai makkuninnga paasissutissanik imaqqassapput:

- 1) ilinniartitaanerp ingleranerani misilitsinnerit inissinneqarneri,
- 2) ilinniartut misilitsinnissamut innersuunneqarnissamut periarfissaat,
- 3) atuakkatigut pisinnaasat suut misilitsinnertigut uppersarsarneqassanersut,
- 4) misilitsinnerit sorliit karaktereqaataassanersut,
- 5) misilitsinnerni sorlarni "angusivoq/angusinngilaq" atorlugit naliliisoqartassanersaq,
- 6) misilitsinnerit sorliit avataaneersumik censoreqarluni sorliillu atuarfimmeersumik censoreqarluni ingerlanneqassanersut,
- 7) napparsimanermut atatillugu soraarummeerneq misilitsinninnerlu,
- 8) misilitsinneqarnerit ilusaat sivisussusissaallu, aamma
- 9) ilinniartut oqaluttariarsorluni allattariarsorlunilu misilitsinnerminni qallunaatut kalaallisulluunniit oqaatsinik atuisinnaatitaanerat.

§ 15. Censorit pisariaqartinneqartut naapertorlugit Kultureqarnermut, Ilinniartitaanermut Ilageeqarnermullu Pisortaqaqarfiimmit toqqarneqartassapput.

Kapitali 6

Angusinissamut piumasaqaatit

§ 16. Palasit suliasaannik ilinniartitaaneq angusiffigineqarsimasutut isigineqassaaq piumasaqaatit makku eqqortinneqarsimappata:

- 1) atuartsissutini tamani annikinnerpaamik 85 %-imik peqataasimaneq,
- 2) misilitsinnerit karakteri "angusivoq" atorlugu naliliiffigineqarsimappata, imaluunniit 6-imik taannaluunniit qulaallugu karaktereqaraanni,
- 3) suliasat pinngitsoorani suliarineqartussat piffissaagallartillugu tunniunneqarsimappata, aamma

4) upperisarsiornermik suliaqarnermut nalunaarut akuerineqarpat.

Imm. 2. Qitiusumik pikkorissarnerup nalaani peqannginneq napparsimanermik uppersarsarneqarsinnaasumik assigisaanilluunniit pissuteqarpat imm. 1, nr 1-ip atortinneqannginnissaa aqutsisoqatigiit immikkut akuersissutigisinnaavaat.

Kapitali 7

Allattaaviit soraarummeernermullu uppersarsaat

§ 17. Ilinniartitsisoq allattaavimmik ingerlatsissaaq, ilinniartut tamarmik aqqisa immikkut qupperneqarlutik allattorsimaffiannik. Allattaaviit ilinniartut ataasiakkaat paasissutissartaannik, uppersarsaatinik, nalunaarut tunngavigalugu immikkut akuersissutinik kiisalu soraarummeernermi karakterinik aamma allattariarsorluni misilitsinnermi naliliinernik immerneqassapput.

Imm. 2. Allattaaviit ilusilersorneqarnissaat pillugu malittarisassanik Kultureqarnermut, Ilinniartitaanermut Ilageeqarnermullu Pisortaqarfik aalajangersaasinnaavoq.

§ 18. Palasit suliassaannik ilinniartitaaneq palasitut palasit suliassaannik soraarummeerute-qarsimasutut taaguuteqalersitsisinnaatitaavoq.

Imm. 2. Ilinniarneq angusilluni naammassisimagaanni ilagiinni kalaallini palasinngorniarluni qinnuteqaateqartoqarsinnaavoq.

§ 19. Ilinniagaqartunut ilinniartitaanermi angusaqarsimasunut, tak. § 16, soraarummeersimanernut uppersarsaat suliarineqassaaq, taassumalu oqaaseqatigiit assigiissaartut aamma inunnet ataasiakkaanut oqaaseqaataasut imarissavai.

Imm. 2. Aqutsisoqatigiit siulittaasuata ilinniagaqartup allattaavinni quppernera tunngavigalugu soraarummeernernut uppersarsaat suliarissavaa, atuussinnaassuseqarneralu uppersarsarniarlugu atsiorlugu.

Imm. 3. Soraarummeernermut uppersarsaatip imm. 1-imi taaneqartup saniatigut allatut ilusilersorneqarnissaa aamma imarisassaa, tamakkununga ilanngullugu fagini sammisassat qaffasissutsimikkut nallersimasassaat, pillugit Kultureqarnermut, Ilinniartitaanermut Ilageeqarnermullu Pisortaqarfik malittarisassaliorsinnaavoq.

Kapitali 8

Pikkorissartitsinikkut ilinniagaqartut atugaat pillugit aalajangersakkat

§ 20. Najugarisap aamma pikkorissarfusup akornanni ilinniartoq qitiusumik pikkorissarnermut atatillugu angalanermi akiliunneqartassaaq.

Imm. 2. Attartorluni angalanermi aningaasartuutitut matusissutissat amerlassuserititat Namminersornerullutik Oqartussat aamma KNAPK-p akornanni isumaqatigiissutaasut sinnerlugit amerlassuseqarsinnaanngillat. Pisuni allani angalanermut aningaasartuutiviit akilerneqartassapput, taamaattoorli annerpaamik angallassissutit tamanit atorneqarsinnaasut atorneqarnerinut nalinginnaasumik bilitsip akianut naapertuuttumik.

§ 21. Qitiusumik pikkorissarnermut atatillugu pikkorissarfissamut aamma pikkorissarfissamit angalatillutik ilinniartut aningaasartuuteqarnerusimagunik Kalallit Nunaanni tjenestemandit pillugit malittarisassat sukkulluunniit atuuttut malillugit taarsiivigineqassapput.

§ 22. Qitiusumik pikkorissarnerit nalaanni qaammatit kingulliit arfmillit iluanni aningaasarsiarisimasat ilinniarnarup aallartinnerani 1. september 1997-imit naatsorsorlugit amerlaqataannik suliatigut

akissarsiassaraluanut annaasanut taarsiiviginnittoqartassaaq.

Imm. 2. Aningaasat taakku pikkorissarnermut sap. akunnerinik sisamanik sivilissuseqartumut amerlanerpaamik 16.000 kr.-iusinnaapput, ikinnerpaamillu 10.000 kr.-iusinnaallutik.

§ 23. Qitiusumik pikkorissarnerit nalaanni ilinniagaqartut nerisaqarnerminnut ineqarnerminnullu akiliunneqartassapput.

Kapitali 9

Atortuulersitsinermut aalajangersakkat

§ 24. Nalunaarut manna 1. september 1997 aallarnerfigalugu atortuulersinneqarpoq.

Imm. 2. Ilinniartussanik 1. september 1997-imi ataasiaannartumik tiguisoqassaaq.

Namminersornerullutik Oqartussat, 12. september 1997

Konrad Steenholdt

/

Karl Kristian Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut